



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum de Arthanita XXXVI

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

emplastra conficienda miscēt, uel ut quādam adstringenti
 di, ac refrigerandi uim medicamento concilient, tu cum
 otium nactus eris, alba illa Galeni emplastra legere pote-
 ris, nullum tñ est quod his conueniat quæ superius scri-
 pta sunt, omnibus autem albis unguentis antiqui ferè a-
 quam miscebant. Apud Nicolaum Alexandrinū album
 quoddam reperitur capite. MCCVIII. quod album
 non esse certus sum, nam Recipit absynthij unc. II. At
 unguentum de cerussa coctum quomodo paras? SEN.
 Ita paro.

Recipe olei communis lib. II.

Cerussæ subtilis lib. I.

Coquantur lento igne donec secundum artem sit perco-
 ctum. Aliqui sunt qui addunt ceræ albæ mūdæ unc. IIII.
 & in globos congerunt, & seruant BRASA. Mihi
 semper placuit ut cera adderetur. SEN. Tamen &
 absq; cera in globos optime distribuitur. BRAS. Ad
 alia igitur unguentorum genera te conferas.

SENE X. XXXVI.

Vnguentum de Arthanita, post illud de cerussa acce-
 dit. BRAS. Non est in magno usu Ferraria, neq; in
 uno, aut altero pharmacopolio illud inuenies. At cum
 duplex sit: maius. s. & minus, multi minus conficiunt,
 quia facilius efficitur, & cum unguentum de arthanita
 indicitur illud præbent, etiam si à medico diceretur.
 Recipe unguenti de arthanita maioris. SE. Hoc error
 esse uidetur. BRAS. Neq; mediocris. SE. Ad quos
 ualet affectus? BRASA. Ex eo inungi uentrem, &
 sumem, & ilia, cathartici loco educere, inungi uero sto-
 machum, uomitum excitare, uermes educere, & hydro

y ij pi

BRASAVOLI

pi conferre, aquamq; educere citrinam, adhibendumq;
his est qui medicamentum sumere nō ualent. SE. Cu-
ius authoris est? BRAS. Mesue illud refert ad Ale-
xandrum, tu uero compositionem referto. SE. Hęc
est quam refero.

Recipe succi arthanitæ. i. cyclaminis lib. III.

Olei irini lib. II.

Butyri uaccini lib. I.

Pulpæ colocynthidis unc. IIII.

Polypodij unc. VI.

Euphorbij unc. semis.

Quę terenda sunt terantur, & in succos, & olea sub-
mergātur, & in uitriatum uas arcti orificij ponantur,
caputq; ipsius ligetur, & per dies octo dimittatur: de-
inde totum bulliat ebullitione una & coletur, postea
huic colaturæ adde

Serapini aur. V.

Myrrhæ aur. II.

Prius tamen in aceto uini quātum sufficit dissoluantur,
& omnia simul misceantur, simulq; bulliāt baculo sem-
per agitando, hocq; fiat usq; ad succorum ferē consum-
ptionem, tunc adde

Ceræ unc. V.

Fellis uaccini aur. V.

Ferueat cum eis quoad cera liquefiat, deinde quę sequi-
tur in puluerem redacta misceantur.

Recipe Scammonij

Aloes

Mezereon

Colocynthidis

} Singulorum aur. V.

Euphorbij

Euphorbij aur. II.

Salis gemmæ aur. III.

Turbith aur. V.

Piperis longi

Gingiberis

Chamæmeli

} Singulorum aur. II.

Conficiantur, & administrentur. SEN. Inuenitur ne apud Alexandrum? BRAS. Per Alexandrum, Mesue Trallianum intelligere solet, ego multum quæsiui, tamen apud authorem illum compositionem hanc inuenire non potui, nescio an alium Alexandrum intellexerit Mesue, quem tamen non cognouerim. SE. Sunt ne alij qui aliter hoc unguentum conficiant, quam ego retulerim? BRAS. Multi in pöderibus differunt, si pharmacopolarum libros leges, immo hæc met compositio à Mesue in capite de Arthanita posita est, tamē in aliquo sed modico differt, mihi placeret ut tu modo citato compositionem hanc conficeres. SE. Iam confeci, & de nō nullis miror pharmacopolis, qui unguentum hoc non conficiunt, sed Bononiā mittunt ac emunt. BRASA. Et ego magis miror, quod quid sit ignorāt, propterea optarem ut omnes diligentissime conficerent, ut scirent quæ esset diligentia cōfectum, neq; conscientia remorderēt, quæ homines intrinsecus corrodit. SE. A multis audiui unguentum hoc reprehendi ueluti periculosum, quid censes tu? BRAS. De illis miror qui in illo periculū faciunt extrinsecus inungendo, secus est si per os sumeretur, immo quia nonnulli eo in clysterijs utuntur, & ego nōnunquam in pauca copia usus sum, illis cōmisceri debet. Adde medicum plerūq; frustrare, & per uentrē

y iij non

BRASAVOLI

non educere, & hoc præsertim quando est antiquum. quicquid ab alijs dicatur ipsius usus non est uerendus, nonnunq̄ experiri uolui an cyclaminis succus idem efficeret (nam ait idem secundum Galenum efficere, quod hoc efficit unguētum) & nō solum uentrē deliniri iussi, sed & lintea madefieri, & toti supraponi uentri. tamen nec tantillum uentrem soluit, ne dum cōmouit. hi quibus hoc unguentum uentrem soluit, post semihoram circa umbilicum motiones quasdam paruas sentiunt, postea quædam parua tormina cum rugitu, & uenter cōmouetur, ac excernunt. at hoc nō fit, nisi postea quam ipsius uis ad intestina penetrauerit, illaq; commorserit, et uim expultricem ad expellēdum excitauerit. SE. Quomodo cōfectum est minus de arthanita unguentū, quod non nullos seruare dixisti? BRAS. Ita illud cōficit Mesue.

Recipe succi arthanitæ

Viscositatis quæ mulgetur ex radice filicis

Succi chamæmeli (aliter chamæcentes). i. ebulorum

Singul. unc. IX.

Succi extremitatum tamarisci drach. II.

Olei irini lib. XI.

Hyssoi humidæ drach. V.

Ammoniæ

Bdellij

Singul. drach. I. & semis.

Aceti quantum sufficit.

Ceræ citrinæ unc. VI.

Corticum radicum capparorum unc. I. & semis.

Spicæ drach. IIII.

Misce, & fiat, ut superius dictum est. s. in unguento de arthanita

VNGVENTOR. EX AMEN. 168

arthanita maiore, tamen alij sunt, qui ita Ferrariae ut sequitur parant, à precedentibus in ponderibus solum differunt, & non in rebus.

Recipe succi arthanitæ	}	Sing. unc. IIII. & sem.
Succi uiscositatis filicis		
Succi ebulorum		
Succi tamarisci unc. I.		
Olei irini lib. I.		
Hyssoپی humidæ drach. II. & semis.		
Ammoniacy	}	Singul. scrup. II. & gra. V.
Bdellij		
Ceræ citrinæ unc. III.		
Corticum radicum capparorum drach. VI.		
Spicæ drach. I. & semis.		

Aceti modicum. misce, & fiat unguentū. tamen nota & alios alia habere pondera, in compositione uero quæ ex Mesue adduxi quod legit olei irini lib. XI. corrige, & legito lib. II. SE. Cur ita retulisti? BRAS. Quia & ita in authore scriptum erat, & ita in impressis codicibus passim legebatur. SE. Placet ne ut ita cōfectum seruem? BRAS. Minime omnium, sed magnum potius seruato, ne & tu medicos decipias, cū unguentum de arthanita simpliciter indicūt, nam semper magnum intelligunt.

S E N E X. XXXVII.

Vnguentum stomachale me molestat, ut in examen accedat. BRAS. Nō sunt & in hoc minores quam in alijs unguētis differentia, nam quot sunt pharmacopola tot ferè sunt pro stomacho unguēta tu uero quod nam conficis? SE. Hoc quod refero.

ʒ iiij Recipe